



Jumat, 26 November 2021
Ogen: Johanes 8:2-11



Tertindas



Adina Dibata e desken Bapa maka Gereja eme nande nandangi kalak si ngakuken Tuhan selaku Bapa e. Gereja jadi ingan mpermakani kalak si muas ras kalak si melehe, segelah jadi kalak si megegeh. Tapi genduari enda, tempa-tempa lanai siangka ras lanai segejabken posisi Gereja sebagai nande si mpermakani. Gereja ras kalak Kristen si gundari enggo tempa-tempa jadi nande si man tami-tamin, lupa nandangi hakekatna selaku si mupus kalak si berkualitas secara spiritual, mpetubuh jiwa-jiwa si mbaru si malang man Tuhan.

Si enda jadi nandangi bangsa Israel, selaku kumpulen bangsa pilihan si lupa maka ia jadi contoh bangsa-bangsa uga kalak si malang man Tuhah. Ia lupa maka pasu-pasu si alokenna e gunana man kalak si deban ka, labo hanya terjeng man dirina. Emaka adi lit kalak si erdosa, prinsipna bas ia iukum, ibenterken, itindas. Termasuk pe kalak si cacat, pinakiten, e iperkirakenna selaku kalak si terkutuk si layak ipedauh i bas si nterem nari. Peristiwa Yohane 8 enda pe berlatar belakang penindasen man kalak si erdosa. Sekalak diberu terdat erlua-lua, labo si eteh ku ja temanna erlua-lua ndai ibahan ahli hukum Taurat e, tapi diberu e ibabana ku Jesus gelah iukum. Tapi la lit kai pe ibahan Tuhan Jesus. SuruhNa ise si la erdosana, em lebe mentersa, tapi la lit si pang. Kepeken kerina nge erdosa, dosa mahanca la ise pe ngasup erbahan si benar. Tuhan Jesus ngenca benar, maka kalak muas arus bere minem. Kalak melehe arus bere man. Kalak ersalah gelahna geluhna payo ngulahi arus ialemi ras ididik alu keleng ate ngulahi.

Ngusih Tuhan Jesus selaku pembebas, arusna Gereja ras kita kerina kalak Kristen pe ikut jadi pembebas. Ula jadi si SMS *susah melihat orang senang ras senang melihat orang susah*. Gereja selaku nande perdiatekenlah kerina biri-birina tertindas, iangkip, ibere man ras minem, jenari pegegehilah ia.